

唐  
音  
統  
籤

乙籤七十四

唐音統籤卷六十一

李適字子至萬年人舉進士武后時預修三教珠

英遷戶部員外郎兼修書學士景龍初擢修文館

學士睿宗朝終工部侍郎詩一卷

唐志集五卷宋志一卷舊書本

傳云道士司馬承禎還天台適贈詩敘高尚之致詞甚美詩中無之今知亡失多矣

五言古詩

汾陰后土祠作

昔予讀舊史遍觀漢世君武皇實稽古建茲百代  
勛號令垂懋典舊經備闕文南巡歷九嶷舳艫被  
江濱勒兵十八萬旌旗何紛紛竭來茂陵下英聲

不復聞我行歲方晏極望山河分神光終冥漠鼎  
氣獨氛氲攬涕步雕上登高見彼汾雄圖今安在  
飛飛有白雲

答宋十一崖口五渡見贈

聞君訪遠山躋險造幽絕眇然青雲境觀奇彌年  
月登嶺亦泝谿孤舟事沿越崿嶂傳彩翠崖磴互  
欹缺石林上攢葉金澗下明滅捫壁窺丹井梯苔  
瞰乳穴忽枉巖中贈對翫未嘗輟殷勤獨往事委  
曲鍊藥說邀余名山期從爾泛海滢歲晏秉宿心  
斯言非徒設

餞許州宋司馬赴任

昔吾遊箕山，竭來涉潁水。復有許由廟，迢迢白雲裏。  
聞君佐繁昌，臨風悵懷此。儻到平輿泉，寄謝干將里。

五言律詩

奉和聖製九日侍宴應制

得高字

禁苑秋光入宸遊，霽色高蔓房。頒綵筥，菊蕊薦香醪。  
後騎繁堤柳，前旌拂御桃。王枝俱得從淺淺，愧飛毫。

遊禁苑幸臨渭亭遇雪應制

長樂喜春歸披香瑞

一作愛

雪霏花從銀閣度絮繞

玉牕飛寫曜銜天藻呈祥拂御衣上林紛可望無處不光輝

奉和九日登慈恩寺浮圖應制

鳳輦乘朝霽鸚鵡林對晚秋天  
文具葉寫聖澤菊花浮塔似神功  
造龕疑佛影留幸陪清漢蹕欣奉淨居遊

侍宴長寧公主東莊應制

鳳樓紆睿幸龍舸暢宸襟  
歌舞平陽第園亭沁水林  
山花添聖酒澗竹繞薰琴  
願奉瑤池駕千春侍

德音

安樂公主移入新宅

星橋他日創僊榜此時開馬向鋪錢埒簫聞奏玉  
臺人疑衛叔美客似長卿才借問遊天漢誰能取  
石迴

奉和送金城公主適西蕃應制

絳河從遠聘青海赴和親月作臨邊曉花爲度隴  
春主歌悲傾鶴帝策重安人獨有瓊簫去一作悠  
悠思錦輪

奉和幸望春宮送朔方軍大總管張仁亶

地限驕南牧天臨餞北征解衣延寵命橫劒總威  
名豹畧恭宸旨雄文動睿情坐觀膜拜入朝夕受  
降城

七言律詩

人日宴大明宮恩賜綵縷人勝應制

朱城待鳳韶年至碧殿疏

一作蟠

龍淑氣來寶帳金

屏人已帖圖花學鳥勝初裁林香近接宜春苑山  
翠遙添獻壽杯向夕憑高風景麗天文垂曜象昭  
回

奉和春日幸望春宮應制

玉輦金輿天上來  
花園西望錦屏開  
輕絲半拂朱門一作城  
柳細纈全披  
畫閣梅舞蝶  
飛行飄御席  
鶯歌度曲繞僊杯  
聖詞今日光輝滿  
渾主秋風莫道才

奉和立春遊苑迎春

金輿翠輦迎嘉節  
御苑僊宮待獻春  
淑氣初銜梅色淺  
條風半拂柳牆新  
天杯慶壽齊南岳  
聖藻光輝動北辰  
稍覺披香歌吹近  
龍驂日暮下城闌

帝幸興慶池戲競渡應制

拂霧金輿丹旆轉  
凌晨黼帳碧池開  
南山倒影從



雲落北澗搖光寫溜

浪一作

迴急漿

舸一作

爭標排荇

度輕帆截浦觸荷來橫汾宴鎬歡無極歌舞年年

聖壽杯

侍宴安樂公主莊應制

平陽金勝鳳凰樓沁水銀河鸚鵡洲綵仗遙臨

一作

尋丹壑裏僊輿暫幸綠亭幽前池錦石蓮花豔後

嶺香鑪桂蕊秋貴主稱觴萬年壽還輕漢武濟汾

遊

七言絕句

侍宴安樂公主新宅應制

銀河半倚鳳凰臺玉酒相傳鸚鵡杯若見石平須  
借問仙槎一去幾時來

餞唐永昌赴任東都

聞道飛鳧向洛陽翩翩矯翮度文昌  
自注云自尚書郎為令  
因聲寄意三花樹少室巖前幾度香  
自注云有田在少室不見

十年矣

乙籤七十五

唐音統籤卷六十二

鄭愔字文靖滄州人年十七進士擢第天后時爲  
殿中侍御史中宗朝選爲修文館學士累遷吏部  
侍郎拜相尋貶江州司馬後以預譴王重福謀被  
誅詩一卷愔初附來俊臣張易之兄弟後附武三思謀陷五王人不足稱以其嘗直修文  
名列藝苑補編斯卷唐書永徽以來唱桑條韋  
也女歌時以爲韋后之祥愔作桑條樂詞十首以  
進大蒙賞擢  
今其詞不傳

五言古詩

侍宴長寧公主東莊應制

公門襲漢環主第稱秦玉池架祥鱣宇山吹鳴鳳

曲拂席蘿薜垂廻舟芰荷觸平陽妙舞處日暮清

歌續

舊本公門襲漢瓌仍誤已久考長寧主下嫁楊慎交此正用其先世黃雀事也觀下祥鱸

明句益

### 采蓮曲

錦紵

一作機

沙棠艦羅帶石榴裙綠潭采荷芰清江

一作香

日稍曛魚鳥爭唼喋花葉相芬氲不覺芳洲

暮棹

一作菱

歌處處聞

### 夜遊曲

漢室歡娛盛魏國文雅遭許史多暮宿應陳從夜  
遊西園讌公子北里召王侯詎似將軍獵空嗟亭

尉留

少年行

潁川豪橫客咸陽輕薄兒田竇方貴幸趙里新相知  
軒蓋終朝集笙竽此夜吹黃金盈篋箭白日忽西馳

五言律詩

中宗降誕日長寧公主滿月侍宴應制

春殿猗蘭美仙階柏樹榮地逢芳節應時覩聖人  
生月滿增祥莢天長發瑞靈南山遙可獻常願奉  
皇明

奉和幸上官昭容院獻詩四首

地軸樓居遠天台關路賒何如遊帝宅卽此對仙  
家座拂金壺電池搖玉酒霞無云一作勞秦漢隔別  
訪武陵花

堯茨姑射近漢苑建章連十五黃知月三千桃紀  
年鷺一作鷺歌隨鳳吹鶴舞向鵲弦更覓瓊妃伴來

過玉女泉

宮掖賢才重山林高尚難不言辭輦地更有結廬  
歡池棟清溫燠巖隰起迥寒幽亭有仙桂聖主萬  
年看

槎流天上轉茅宇禁中開河鵲填橋至山熊避檻  
來庭花采葦葍巖石步莓苔願奉輿圖泰長聞錦  
翰裁

奉和九月九日登慈恩寺浮圖應制

層霄開寶塔倒影駐仙輿鴈子乘堂處龍王起藏  
初秋風聖主曲佳氣史官書願獻重陽壽承歡萬  
歲餘

送金城公主適西蕃應制

下嫁戎庭遠和親漢禮優笳聲出虜塞簫曲背秦  
樓貴主悲黃鶴征人怨紫騮皇情眷億兆割念俯

懷柔

奉和幸望春宮送朔方大總管張仁亶

御蹕下都門軍麾出塞垣長楊跨武騎細柳接戎  
軒睿曲風雲動邊威鼓吹喧坐帷將闕外俱是報  
明恩

銅雀妓

日斜漳浦望風起鄴臺寒玉座平生晚金樽妓吹  
闌舞餘依帳泣歌罷向陵看蕭索松風暮愁煙入  
井闌

胡笳曲



漢將留邊朔遙遙歲序深誰堪牧馬思正是胡笳  
吟曲斷關山月聲悲雨雪陰傳書問一作蘇武陵  
也獨何心

折楊柳

青柳映紅顏黃雲蔽紫關忽聞邊使出枝葉爲君  
攀舞腰愁欲斷春心望不還風花滾成雪羅綺亂  
斑斑

秋閨

征客向輪臺幽閨寂不開音書秋鴈斷機杼夜蛩  
催虛幌風吹葉閉堦露濕苔自憐愁思影常共月

徘徊

五言排律

奉和幸三會寺應制

寺傳蒼頡造書臺

鳥繚遺新閣龍旂訪古臺造書臣頡往觀跡

一作籍

帝義來睿覽

一作法界

山川匝宸心宇宙該梵音隨駐

輦天步接乘杯舊苑經寒露殘池問劫灰散花將

捧日俱喜聖慈

一作詞開

奉和幸大薦福寺

寺即中宗舊宅

舊邸三乘闢佳辰萬騎留蘭圖奉葉偈芝蓋拂花

樓國會人王法宮還天帝遊紫雲成寶界白水

禪流鴈塔昌基遠  
鸚鵡林瘠藻

一作蕙草

抽欣承大風曲

竊預小童謳

同韋舍人早朝

瑞闕龍居峻宸庭鳳掖深  
才良寄天綽趨拜侶朝  
簪飛馬看來影喧車識駐音  
重軒輕霧入洞戶落花  
侵聞有題新翰依然想舊林  
同聲慚卞玉謬此托韋金

塞外三首

塞外蕭條望征人  
此路賒邊聲亂朔馬秋色引

一作

動胡笳遙嶂侵歸日  
長城帶晚霞斷蓬飛古戍連

鴈聚寒沙海暗雲無葉山春雪作花丈夫期報主  
萬里獨辭家

荒壘三秋夕窮郊萬里平海陰凝獨樹日氣下連

營戎旆霜旋

一作疑

重邊塞夜更輕將軍猶轉戰都

尉不成名折柳悲春曲吹笳斷夜聲明年漢使返  
須築受降城

陽鳥南飛夜陰山北地寒漢家征戍客年歲在樓  
蘭玉塞朔風起金河秋月圓邊聲入鼓吹霜氣下  
旌竿海外歸書斷天涯旅鬢殘子卿猶奉使恒向  
節旄看

春怨

春朝物候妍  
愁婦鏡臺前  
風吹數蝶亂  
露洗百花鮮  
試出褰羅幌  
還來著錦筵  
曲中愁夜夜  
樓上別年年  
不及隨蕭史  
高飛向紫煙

貶降至汝州廣城驛

近郊憑汝海  
遐服指江干  
尚憶趨朝貴  
方知失路難  
曙宮平樂遠  
秋澤廣城寒  
岸葦新花白  
山梨晚葉丹  
鄉關千里暮  
歲序四時闌  
函塞雲關別  
旋門霧裏看  
夙年追騾驥  
暮節仰鵷鸞  
疲駕勞垂耳  
騫騰詎矯翰  
將調梅鉉實  
不正李園冠  
荆玉終無玷

隋珠忽已彈曉裝違鞏洛夕夢在長安北上頻傷  
阮西征未學潘傾車無共轍同派有殊瀾去去懷  
知己何由報一餐

哭郎著作

詩禮康成學文章賈誼才已年人得夢庚日烏爲  
災書草藏天閣琴聲入夜臺荒階羅駁蘚虛座網  
浮埃白馬賓徒散青鳥隴隧開空憐門下客

一作悲涼

門館

懷舊幾遲廻

七言律詩

人日重宴大明宮恩賜綵縷人勝應制

瓊殿含光映早輪。玉鸞嚴蹕望初晨。池開凍水僊  
宮麗。樹發寒花禁苑新。佳氣徘徊籠細網。殘雲漸  
瀝染輕塵。良時荷澤皆迎勝。窮谷晞陽猶未春。

奉和春日幸望春宮

晨蹕凌高轉翠旌。春樓望遠背朱城。忽排花上遊  
天苑。却坐雲邊看帝京。百草香心初冒蝶。千林嫩  
葉始藏鶯。幸同微藿傾陽早。願比盤根應候榮。

五言絕句

詠黃鶯兒

欲囀聲猶澁。將飛羽未調。高風不借便。何處得遷

喬

百舌

見事文類聚  
疑非情詩

百舌鳴高樹弄音無常則借問聲何煩末俗不尚

默



乙籤七十六

唐音統籤卷六十三

郭元振

本名震字元振以字顯

魏州人少有大志輕財施累

官涼州都督開拓州境夷夏畏慕睿宗徵拜為相

封代國公玄宗初坐事流新州道卒集二十卷

宋志

今存詩十四篇

寶劍篇

唐史本傳云振初為通泉尉任俠使氣撥去小節嘗盜鑄及掠賣部中口

千餘餉賓客武后召欲詰既與語奇之索其文章上寶劍篇后覽嘉歎詔示學士李

嶠等遂得擢用杜子美入哀

云高詠寶劍篇神交付冥漠

君不見昆吾鐵冶飛炎煙紅光紫氣俱赫然良工

鍛鍊凡幾年鑄得寶劍名龍泉龍泉顏色如霜雪

良工咨嗟歎奇絕琉璃玉匣吐蓮花錯鏤金環映  
明月正逢天下無風塵幸得周防君子身精光黯  
黯青蛇色文章片片綠龜鱗非直結交游俠子亦  
曾親近英雄人何言中路遭棄捐零落漂淪古獄  
邊雖復塵埋無所用猶能夜夜氣衝天

塞上

塞外虜塵飛頻年出武威死生隨玉劒辛苦向金

微久戍人偏

一作將

老長征馬不肥仍聞酒泉郡已

合數重圍

西陽雜俎云元振嘗山居夜有人面如盤出燈下元振以久戍一聯題其頰遂

其明日出行巨水上  
有自耳此句在焉

同徐員外除太子舍人寓直之作

太子擅元良官臣命偉長除榮辭會府直宿總書  
坊露濕幽巖桂風吹便坐桑閣連雲一色池帶月  
重光葉死蘭無氣荷枯水不香遙聞秋興作言是  
晉中郎

寄劉校書

俗吏三年何足論每將榮辱在朝昏才微易向風  
塵老身賤難酬知己恩御苑殘鶯啼落日黃山細  
雨濕歸軒迴首漢家丞相府昨來誰得掃重門

春江曲

江水春泚泚上有雙竹林竹葉壞水色郎亦壞人  
心

王昭君三首

自嫁單于國長銜漢掖悲容顏日憔悴有甚畫圖  
時

厭踐冰霜域嗟爲邊塞人思從漠南獵一見漢家  
塵

聞有南河信

一作聞道  
河南使

傳言殺畫師始知君念重

更肯

一作  
遣

惜蛾眉

子夜四時歌六首

春歌二首

陌頭楊柳枝已被春風吹妾心正斷絕君懷那得  
知

春樓含日光綠池起風色贈子同心花殷勤此何  
極

秋歌二首

邀歡空佇立望美頻迴顧何時復採菱江中密相  
遇

辟惡茱萸囊延年菊花酒與子結綢繆丹心此何  
有

冬歌二首

北極嚴氣昇南至溫風謝調絲競短歌拂枕憐長夜

帷橫雙翡翠被卷兩鴛鴦嬌態不自得宛轉君玉牀

乙籤七十七

閻朝隱字友倩趙州樂城人連中進士孝弟廉讓科性滑稽屬辭奇詭爲武后所賞景龍時爲著作郎先天中爲秘書少監坐事貶通州別駕卒集五

卷

宋志

今存詩十二篇

張說云朝隱之文如麗服靚粧燕歌趙舞觀者忘疲

若類之風雅  
則罪人矣

侍從途中口號應制

疵賤出山東忠貞任土風因敷河朔藻得奉洛陽  
宮一顧侍御史再顧給事中常願粉肌骨特荅造  
化功

明月歌

梅花雪白柳葉黃雲霧四起月蒼蒼箭水冷冷刻  
漏長揮玉指拂羅裳爲君一奏楚明光

采蓮女

采蓮女采蓮舟春日春江碧水流蓮衣承玉釧蓮

刺胃銀鈎薄暮斂容歌一曲氛氲香氣滿汀洲

鸚鵡貓兒篇

并序

鸚鵡慧鳥也猶不仁獸也飛翔其背焉嚙啄其  
頤焉攀之緣之蹈之履之弄之藉之踰踰然此  
爲自得彼亦以爲自得畏者無所起其畏忍者  
無所行其忍抑血屬舊故之不若臣叨踐太子  
舍人朝暮侍從預見其事聖上方以禮樂文章  
爲功業朝野歡娛強梁充斥之輩願爲臣妾稽  
顙陶下者日萬計尋而天下一統實以爲惠可  
以伏不惠仁可以伏不仁亦太平非常之明證  
事恐久遠風雅所缺  
再拜稽首爲之篇

霹靂引豐隆鳴猛獸噫氣蛇吼聲鸚鵡鳥同資造  
化兮殊粹精鸚鵡毛翡翠翼鵠趨延頸鵠雞弄色  
鸚鵡鳥同稟陰陽兮異延埴彼何爲兮隱隱振振



此何爲兮綠衣翠襟彼何爲兮窘窘蠢蠢此何爲  
兮好貌好音彷彿兮佯佯似妖姬躡步兮動羅裳  
趨趨兮踟蹰若處子迴眸兮登玉堂爰有獸也安  
其忍背其脇距其胷與之放曠浪浪兮從從容容  
鈎爪鋸牙也宵行晝伏無以當遇之兮忘味搏擊  
騰擲也朝飛暮噪無以拒逢之兮屏氣由是言之  
貪殘薄則智慧作貪殘臨之兮不復踴由是言之  
智慧周則貪殘囚智慧犯之兮不復憂非形陋質  
雖賤微皇王顧遇長光輝離宮別館臨朝市妙舞  
繁絃雜宮徵嘉喜堂前景福內合一作和歡殿上明

唐詩新集  
光裏雲母屏風文彩合流蘇斗帳香煙起承恩宴  
盼接宴喜高視七頭金駱駝平懷五尺銅獅子國  
有君兮國有臣君爲主兮臣爲賓朝有賢兮朝有  
德賢爲君兮德爲飾千年萬歲兮心轉憶

三日曲水侍宴應制

三月重三日千春續萬春聖澤如東海天文似北  
辰荷葉珠盤淨蓮花寶蓋新陛下制萬國臣作水  
心人

奉和九日幸臨渭亭登高應制得筵字

九九侍神仙高高坐半天文章二曜動氣色五星

連簪綬趨皇極笙歌接御筵願因茱菊酒相守百  
千年

奉和送金城公主適西蕃應制

甥舅重親地君臣厚義鄉還將貴公主嫁與耨檀

一作  
耨檀

王鹵簿山河暗

一作  
開

琵琶道路長迴瞻父母

國日出在東方

奉和立春遊苑迎春應制

管籥周移寰極裏乘輿望幸斗城闈草根未結青  
絲縷蘿薦猶垂綠帔巾鵲入巢中言改歲燕銜書  
上道宜新願得長繩繫取日光臨天子萬年春

奉和聖製春日幸望春宮應制

句芒人面乘兩龍道是春神衛九重綵勝年年逢  
七日醺醺歲歲滿千鍾宮梅間雪祥光遍城柳含  
煙淑氣濃醉倒君前情未盡願因歌舞自爲容

夜宴安樂公主新宅

鳳凰鳴舞樂昌年蠟炬開花夜管絃半醉徐擊珊  
瑚樹已聞鐘漏曉聲傳

餞唐永昌

洛陽難理若勞絲椎破連環定不疑鸚鵡休言秦

地樂

紀事作鸚鵡  
鳥道長安樂

回頭

紀事作首

一顧一相思

句

奉和登驪山應制

見詩式不全

龍行踏絳氣天半語相聞混沌疑初判洪荒若始分

乙籤七十八

唐音統籤卷六十四

徐彥伯

本名洪以字行

瑕丘人七歲能屬文對策擢第除

蒲州司兵叅軍與同官韋暉李巨稱河東三絕累

太常少卿中宗時修文館學士每宴樂賦詩命之

爲序遷散騎常侍太子賓客昭文館學士集二十

卷

宋志

今編一卷

紀事云彥伯爲文多變易求新以鳳閣爲鸚鵡閣龍門爲虬戶金

谷爲銑谿玉山爲瓊岳行馬爲篠驂月兔爲魄兔後進效之謂之徐澀體

擬古三首

遙裔煙嶼鴻雙影旦夕同交翰倚沙月和鳴弄江  
風蒨若茂芳序君子從遠戎雲生陰海沒花落春

月二  
潭空紅淚掩促柱錦衾羅薰籠自傷瓊草綠詎惜  
鉛粉紅裂帛附雙燕爲余向遼東

讀書三十載馳驚周六經儒衣千時主忠策獻闕  
庭一朝奉休眄從容厠羣英束身趨建章秉筆坐  
承明解署相填噎僚吏紛縱橫五日休澣時屠蘇  
繞玉屏橘花覆北沼桂樹交西榮樹棲兩鴛鴦含  
春向我鳴皎潔綺羅豔便娟絲管清擾擾天地間  
出處各有情何必岩石下枯槁聞此生

顏光無淹晷逝水有迅流綠苔紛易歇紅顏不再  
求歌笑當及春無令壯志秋弱年仕關輔移門豁

御溝敷愉東城際婉孌南陌頭荷花嬌潋水楊葉  
煖青樓中有綺羅人可憐名莫愁畫屏繞金膝珠  
簾懸玉鈎纖指調寶琴泠泠哀且柔贈君鴛鴦帶  
因以鸕鶿裘牕曉吟日坐閨夕乘燭遊無作北門  
客咄咄懷百憂

贈劉舍人古意

深林闕靈鳥文章世所希巢君碧梧樹舞君青瑣  
闥或言鳳池樂撫翼更西飛鳳池環禁林仙閣雷  
沈沈璇題激流日珠綴綿清陰郁穆絲言重熒煌  
台座深風張丹朶翻月弄紫庭音衆一作雙綵結不



散孤英跂莫尋浩歌向蘭渚婉戀故儔心

和李適荅宋十一入崖口五渡見贈

聞有獨往客拂衣捐世心結欣薄枉渚撰念縈舊  
林經亘去崖合冥綿歸壑深琪樹環碧彩金潭生  
翠陰沿洄弄沙榜詭一作危不眺明岑夕聞桂裏猿

曉翫松上禽雜佩蘊孤袖瓊敷綴雙襟我懷滄洲  
想懿爾白雲吟秉願理方協存期跡易尋茲言庶  
不負爲報巖中琴

雪

雪暗窮海雲灑空紛似露朔風吹故里宛轉玉階

樹孤妾調玉瑟早寒生錦衿况君張羅幙愁坐北  
庭陰

比干墓

大位天下寶維賢國之鎮殷道微而在受辛篡頽  
亂山鳴鬼又哭地裂川亦震嫫黷皆佞諛虔劉盡  
英雋孤卿帝叔父特進貞而順玉牀逾崎嶇銅柱  
方欹歎奉國歷三朝觀竅明一瞬季代猖狂主蓄  
怒提白刃之子彌忠儻憤然更勇進撫膺誓隕越  
知死故不恡已矣竟剖心哲婦亦同殉驪龍暴雙  
骨太嶽摧孤仞周發次商郊冤骸悲莫殮鋒劒勦

遺孽報復一何迅駐罕歌淑靈命徒封旅觀自爾  
銜幽酷于嗟流景駿丘墳被宿莽壇祀緣飛燐貞  
觀戒北征維皇念忠信荒墳護草木刻桷吹煨燼  
代遠恩更崇身殞名益振帝詞書樂石國饌羅芳  
鮮偉哉烈士圖奇英千古狗

題東山子李適碑陰二首

并序

噫嘻李公生自號東山子死葬東山豈其  
識哉神交者歌薤露以送子歸東山焉

隴嶂紫氣金光赫氛氲美人含遙靄桃李芳自  
薰圖高黃鶴羽寶奪驪龍羣忽驚薤露曲掩燼東

山雲

回也寔天折一作賈生亦脆促今復哀若人危迅

風前燭夜臺淪清鏡窮塵埋一作結緣何以贈下

泉生芻唯一束

淮亭吟

貞寂慮兮淮山幽憐芳若兮擘中洲崩瀉委咽日

夜流孤客危坐心自愁矧鶴唳兮風號復猿鳴兮

霜秋熠燿飛兮蟬蟋吟倚清瑟兮橫涼琴擷瑤芳

兮吊楚水弄琪樹兮歌越琴山崎嶇兮隈曲水涓

漣兮洞汨金光延起兮驟興沒青苔竟兮綠蘋欸

綠蘋歌兮凋朱顏嫩人寂歷兮何時閑君不見可

月下新金  
憐桐柏上丰茸桂樹花滿山

芳樹

玉花珍簾上金縷畫屏開曉月憐箏柱春風憶鏡  
臺箏柱春風吹曉月芳樹落花朝暝歇藁砧刀頭  
未有期一作時攀條拭淚坐相思

遊禁苑幸臨渭亭遇雪應制

玉律藏冰候彤階飛雪時日寒消不盡風定舞還  
遲  
連霞樹閣宸矚璇花入睿詞懸知穆天子黃竹謾  
言詩

奉和送金城公主適西蕃應制

時中宗命彥伯爲序今亡

鳳辰憐簫曲鸞闈念掌珍  
羌庭遙築館廟策重  
親星轉銀河夕花移玉樹春  
聖心悽送遠留睥望  
征塵

幸白鹿觀應制

鳳輿乘八景龜籙向三仙  
日月移平地雲霞綴小天  
金童擎紫藥玉女獻青蓮  
花洞留宸賞還旗繞夕煙

胡無人行

十月繁霜下征人遠  
鑿空雲霧錦車節海照角端  
弓暗磧一作雪埋沙樹衝飈  
卷塞蓬方隨膜拜入歌

舞玉門中

婕妤怨

君恩忽斷絕妾思終未央  
巾櫛不可見枕席空餘香  
牕暗綢羅白堦秋苔蘚  
蒼應門寂已閉流涕向  
昭陽

採蓮曲

妾家越水邊搖艇入江烟  
旣見同心侶復采同心蓮  
折藕絲能脆開花葉正圓  
春歌弄明月歸棹落花前

孤燭歎

一作  
閨怨

切切夜閨冷微微孤燭然玉釵紅淚滴金爐彩光  
圓煖手縫輕素頻蛾續斷絃相慰唧不語回向  
屏眠

閨思

征客戍金微愁閨獨掩扉塵埃生半榻花絮落殘  
機褪煖蠶初卧巢昏燕欲歸春風日向盡銜涕作  
征衣

餞唐州高使君赴任

香萼媚紅滋垂條紫綠絲情人拂瑤袂共惜此芳  
時驕驕已躑躅鳥隼方葳蕤跂予望太守流潤及



京師

奉和幸新豐溫泉宮應制

姬典歌時邁虞編記省方何如黑帝月玄覽

一作運

白雲鄉翠仗縈船岸明旆應蒼陽風搖花眊彩雪

豔寶戈芒御陌開函

一作油

次離宮夾樹行桂枝籠

飄裊松葉覆

一作蔭

堂皇仙石

一作女

含珠液溫泉池孕

璧房湧疑神漢溢泛

一作澄

若帝臺漿獨沸流常熱

潛蒸氣轉香青坻

一作壇

玉甃紅礎

一作淀

鑠金光

藻曜凝芳潔歲蕤獻淑祥五龍歸寶算九鴈叶時

康同預華封老中衢祝聖皇

侍宴韋嗣立山應制

鼎臣休澣隙方外結遙心別業青霞境孤潭碧樹  
林每馳東野策遙弄北谿琴帝眷紆時豫台閣賞  
歲陰移鑿明月沼張組白雲岑御酒瑤觴落仙壇  
竹徑深三光懸聖藻五等冠朝簪自昔皇恩感咸  
言獨自今

春閨

戍客戍清波幽閨幽思多暗梁聞語燕夜燭見飛  
蛾寶鴨藏脂粉金屏綴綺羅裁衣卷紋素織錦度  
鳴梭有使通西極緘書寄北河年光只恐盡征戰

莫蹉跎

同章舍人元旦早朝

夕轉清壺漏晨驚長樂鐘  
逶迤綸禁客假寐守銅龍  
予亦趨三殿肩隨謁九重  
繁珂接曙響華劒比春容  
相問韶光歇彌憐芳意濃  
願言乘日肝攜手卽雲峯

送特進李嶠入都祈廟

特進三公下台臣百揆先  
孝圖開寢石祠主卜牲筵  
恩級青綸賜徂裝紫橐懸  
綢繆金鼎席宴餞玉潢川  
北斗分征路東山起贈篇  
樂池歌綠藻梁苑

藉紅荃騎轉商巖日旌搖關塞煙廟堂須鯁議錦  
節佇來旋

奉和興慶池戲競渡應制

夾道傳呼翊翠虬天迴日

一作地

轉御芳洲青潭曉

靄籠仙蹕紅嶼晴花隔綵旒香溢金杯環廣座聲

傳

一作搖

妓舸匣中流羣臣相慶嘉魚樂共晒橫汾

歌吹秋

苑中遇雪應制

千鍾聖酒御筵披六出祥英亂繞枝卽此神仙對  
瓊圃何煩轍迹向瑤池

上巳日袂袂渭濱應制

晴風麗日滿芳洲柳色

一作御幕

春筵被錦流皆言侍

蹕

一作曲侍

橫汾

一作璫

宴暫似乘槎

一作輕飛

天漢遊

夜宴安樂公主新宅應制

序畧云言客有典絳如幄之柔規湯

沐增榮結風庭之藻渙又云鳴璫節珮登繡軸之明軒花綬香纓帶澤壺之青瑣餘

臣

鳳樓開闔引明光花酌

一作醕

連添醉益香欲知帝

女薰天貴金柯

一作珂

玉柱夜成行

侍宴桃花園

源水叢花無數開丹跗紅萼間青梅從今結子三

千歲預喜仙游復摘來

餞唐永昌

金谿碧水玉潭沙  
鳬鳥翩翩弄日華  
園雖香陌行春倦  
爲摘東園桃李花

卷終

乙籤七十九

唐音統籤卷六十五

劉憲字元度寧陵人弱冠舉進士累左臺監察御史貶潯水爲鳳閣舍人神龍初自吏部侍郎

出刺渝州尋入爲修文館學士景雲初官太子詹

事集三十卷

宋志

今編詩一卷

奉和聖製立春日侍宴內殿出剪綵花應制

上林宮館好

一作裏

春光

一作心

獨早知剪花疑始發

刻燕似新窺色濃輕雪點香淺嫩風吹此日叨陪  
侍恩榮得數枝

奉和人日清暉閣宴羣臣遇雪應制

輿輦乘人日登臨上鳳京風尋歌曲颺雪向舞行

繁千官隨興合萬福與時一作春并承恩常若此微

賤幸昇平

奉和七夕宴兩儀殿應制

秋吹過雙闕星仙動二靈更深移月鏡河淺度雲

輶殿上呼一作微方朔人間失武丁天文茲夜裏光

映紫微庭

奉和九月九日聖製登慈恩寺浮圖應制

飛一作香塔雲一作層霄半清晨羽旆遊一作仙鑣淨境遊登

臨憑季月寥廓見中州御酒新寒退天文瑞景留



一作寶辟一作邪將獻壽茲日奉千秋

閏九月九日幸總持寺登浮圖應制

重陽登閨序上界叶時巡駐輦天花落開筵妓樂  
陳城端剎柱見雲表露盤新臨睨光輝滿飛文動  
睿神

奉和聖製登驪山高頂寓日應制

蠡阜鎮皇都鑿遊眺八區原隰旌門裏風雲屨座  
隅直城如斗柄官樹似星榆從臣詞賦未濫得上  
天衢

奉和幸白鹿觀應制

月音初  
玄遊乘落暉仙宇藹霏微石梁縈潤轉珠旒掃壇  
飛芝童薦膏液松鶴舞駘駘還似瑤池上歌成周  
馭歸

侍宴長寧公主東莊

公主林亭地清晨降玉輿畫橋飛渡水仙閣涌臨  
凌一作虛晴新看蛺蝶夏早摘芙蓉文酒娛遊盛忻  
叨侍從餘

奉和送金城公主入西蕃應制

外館踰河右行營指路岐和親悲遠嫁忍愛泣將  
離旌旆羌風引軒車漢月隨那堪馬上曲時向管

中吹

折楊柳

沙塞三河道金閨二月春  
碧柳陽柳色紅粉綺羅  
人露葉憐啼臉風花思舞  
市攀持君不見爲聽曲  
中新

奉和幸長安故城未央宮應制

漢宮千祀外軒駕一來遊  
夷蕩長如此威靈不復  
留憑高睿賞發懷古聖情  
周寒向南山斂春過北  
渭浮上功昔云盛人英今  
所求幸驥薰風曲方知  
霸道羞

奉和幸禮部尚書竇希玠宅應制

紀事作陪幸五王宅

誤

北斗樞機任西京肺臍親疇昔王門下今茲御

一作

制幸辰恩光山水被聖作管絃新遶坐薰紅藥當  
軒暗綠筠摘荷纔早夏聽鳥尚餘春行漏今徒晚  
風烟起觀津

奉和聖製幸望春宮送朔方大總管張仁亶  
命將擇耆年圖功勝必全光輝萬乘餞威武二庭  
宣中衢橫鼓角曠野蔽旌旃推食天厨至投醪御  
酒傳涼風過鴈苑殺氣下雞田分闡恩何極臨岐

勳庸篇

奉和幸韋嗣立山莊侍宴應制

東山有謝安，任道降鳴鑾。  
鑾騎分初日，霓旌度曉寒。  
雲軿巖間下，虹橋澗底盤。  
幽棲俄以屆，聖謁宛餘歡。  
崖懸飛溜直，岸轉綠潭寬。  
桂華晝酒泛，松響舜琴彈。  
明主恩斯極，賢臣節更殫。  
不才叨侍從，詠德以濡翰。

奉和幸大薦福寺應制

地靈傳景福，天駕儼鈎陳。  
佳哉藩邸舊，赫矣梵宮新。  
香塔魚山下，禪堂鴈水濱。  
珠幡映白日，鏡殿寫

青春甚歡延故吏大覺移生人幸承歌頌未長奉  
屬車塵

奉和幸三會寺應制

岩巖倉史臺敞朗紺園開戒旦壺人集

一作翻霜

羽騎來下輦登三襲褰旒望九垓林披館陶勝水  
浸昆明灰網戶飛花綴幡竿度鳥迴豫仙唱動  
瀟灑出塵埃

奉和春日幸望春宮應制

暮春春色最便妍苑裏花間

一作開

列御筵南

一作商

山積翠臨城起滄水浮光共幕連鶯藏嫩葉歌相

喚蝶礙芳叢舞不前歡娛節物今如此願奉宸遊  
億萬年

興慶池侍宴應制

蒼龍闕下天泉池軒駕來遊簫管吹綠堤夏篠榮  
不散冒水新荷卷復披帳殿疑從畫裏出樓船直  
在鏡中移自然東海神仙處何用西崑轍迹疲

奉和立春日內出綵花樹應制

紀事作人日  
大明宮應制

禁苑韶年

一作華  
又作光

此日歸東郊道上轉青旂柳色

梅芳何處所風前雪裏覓芳菲開冰池內魚新作

初躍剪綵花間燕始飛欲識王遊布

一作達

陽氣爲

觀天藻競春暉

奉和幸安樂公主山莊應制

主家別墅帝城隈無勞海上覓蓬萊  
石障一作懸

流平地起危樓曲閣半天開  
庭莎作薦舞行出浦

樹相將一作障歌棹迴此日風光與形勝  
祇言作伴

聖詞來

人日翫雪應制一作李又詩

勝日登臨雲葉起芳風搖蕩雪花飛  
星暉幸得承

金鏡颺彩還將奉玉衣

上巳日祓禊渭濱應制



桃花欲落柳條長  
沙頭水上足風光  
此時御蹕來遊處  
願奉年年被袂觴

苑中遇雪應制

龍驄曉入望春宮  
正逢春雪舞東風  
花光併灑天文上  
寒氣行消御酒中

夜宴安樂公主新宅

層軒洞戶旦新披  
度曲飛觴夜不疲  
綺綴玲瓏河色曉

一作繞

朱簾隱映月華窺

奉和聖製幸韋嗣立山莊

非吏非隱晉尚書  
一丘一壑降乘輿  
天藻緣情兩

曜合山卮獻壽萬年餘

餞唐永昌

始見郎官拜洛陽旋聞近侍發雕章緒言已曷期

年政綺字當

一作先

生滿路光

乙籤八十

唐音統籤卷六十六

盧藏用字子潛范陽人少以辭學著稱兼善書及琴奕龜卜諸藝初舉進士選不調隱居終南學辟穀練氣術長安中徵拜左拾遺中宗朝歷中書舍人黃門侍郎尚書右丞後以附太平主流嶺表集三十卷

本傳云二十卷宋志止

今存詩八篇

宋主簿鳴臯夢趙六予未及報而陳子云亡今追爲此詩答宋兼貽平昔遊舊

暮川罕停波朝雲無留色故人琴與詩可存不可識識心尚可親琴詩非故人鳴臯初夢趙蜀國已

悲陳感化傷淪滅竟交惜未申冥期失幽報茲理  
復今晨前嗟成後泣已矣將何及舊感與新悲虛  
懷酬昔時趙侯鴻寶氣獨負青雲姿羣有含妙識  
衆象懸清機雄談盡物變精義解人頤在陰旣獨  
善幽躍自爲疑跪彼千里足傷哉一尉欺陳生富  
清理卓犖兼文史思縉巫山雲調逸岷江水鏗鏘  
哀忠義感激懷知己負劒登薊門孤遊入燕市浩  
歌去京國歸守西山趾幽居探元化立言見千祀  
埋沒經濟情良圖竟云已坐憶平生遊十載懷嵩  
丘題書滿古壁採藥遍巖幽子微化金鼎僊笙不

可求榮哉宋與陸名宦美中州存一瞬阻岐路  
方悠悠自予事山海及茲人世改傳聞當世榮皆  
入古人名無復平原賦空餘隣笛聲泣對西州使  
悲訪北邙塋新墳蔓宿草舊闕毀殘銘爲君成此  
曲因言寄友生默語無窮事凋傷共此情

奉和九月九日登慈恩寺浮圖應制

化塔龍山起中天鳳輦紆絲旒牽畫剎雜佩冒香  
萐實葉擎千座金英漬百盃秋雲飄聖藻霄極捧  
連珠

餞唐州高使君赴任

餞酒臨豐樹，褰帷出魯陽。  
蕙蘭春已晚，桐栢路猶長。  
祖逖方城鎮，安期外氏鄉。  
從來二千石，天子命唯良。

餞許州宋司馬赴任

國爲休徵選，輿因仲舉題。  
山川襄野隔，朋酒灞亭睽。  
零雨征軒驚，秋風別驥嘶。  
驪歌一曲罷，愁望正淒淒。

奉和立春遊苑迎春應制

天遊龍輦駐城闕，上苑遲光晚更新。  
瑤臺半入黃山路，玉檻傍臨玄灞津。  
梅香欲待歌前落，蘭氣先

過酒上春幸預栢臺稱獻壽願陪千畝及農晨

奉和幸安樂公主山莊應制

皇女瑤臺天漢潯星橋月宇構

一作創

山林飛蘿半

拂銀題影瀑布環流玉砌陰菊浦香隨鸚鵡泛簫  
樓韻逐鳳凰吟瑤池駐蹕恩方久璧月無文興轉  
深

夜宴安樂公主宅

侯家主第一時新上席華年不惜春珠缸綴日

一作

月那知夜玉尊流霞畏抵

一作極

晨

句

更依佩裏發菊向酒邊開

臨渭亭登高  
應制得開字

乙籤八十一

蘇瓌字昌容武功人弱冠擢進士第累尚書左丞  
進尚書右僕射同中書門下三品封許國公中睿  
兩朝以名相稱集十卷

宋志

今存詩二篇

奉和九日幸臨渭亭登高應制得暉字

重陽早露晞  
廣賞瞰秋磯  
菊氣先薰酒  
萸香更襲衣  
清切絲桐會  
縱橫文雅飛  
恩深答效淺  
留醉奉宸暉

興慶池侍宴應制



金闕平明宿霧收  
瑤池式宴俯清流  
瑞鳳飛來隨帝輦  
祥魚出戲躍王舟  
帷齊綠樹當筵密  
蓋轉綳荷接岸浮  
如臨竊比微臣懼  
若濟叨陪聖主遊

乙籤八十二

徐堅字元固湖州人少好學徧覽經史舉進士聖  
曆中爲東都判官睿宗朝拜黃門侍郎開元中加

常侍集賢院學士集三十卷

宋志

今存詩八篇

堅歷

四朝上入書府修撰與父齊聯並以詞學著聞兩姑亦並有文藻議者方之漢世班氏云

棹歌行

棹女飾銀鈎  
新粧下翠樓  
霜絲青桂楫  
蘭棹紫霞

舟水落金陵曙風起洞庭秋扣舷過曲浦飛帆越  
回流影入桃花浪香飄杜若洲洲長殊未返蕭散  
雲霞晚日下大江平煙生歸岸遠岸遠聞潮波爭  
途遊戲多因聲趙津女來聽採菱歌

送考功武員外學士使嵩山置舍利塔

伊川別騎灞岸分筵對三春之花月覽千里之風  
煙望青山兮分地見白雲兮在天寄愁心於樽酒  
愴離緒於清絃共握手而相顧各銜一作悽而黯  
然

奉和送金城公主適西蕃應制

星漢下天孫車服降殊蕃匣中詞易切馬上曲虛  
繁關塞移朱帳風塵暗錦軒簫聲去日遠萬里望  
河源

餞許州宋司馬赴任

舊許星車轉神京祖帳開斷煙傷別望零雨送離  
杯辭燕依空遶賓鴻入聽哀分襟與秋氣日夕共  
悲哉

送武進鄭明府

常州府志

絃歌試宰日城闕賞心違北謝蒼龍去南隨黃鵠  
飛夏雲海中出吳山江上微昨謠豈云遠從此慶

繡衣

奉和聖製送張說赴集賢院學士賜宴賦用

虛字

崇文德化洽新殿集賢初庸菲叅高

嘉一作

選首濫

承明廬殊私光輔弼榮送列簪裾座引中厨饌杯  
錫上尊餘翠葉濃丹苑晴空卷碧虛忝同文史地  
願草登封書

奉和聖製送張說巡邊

聖德撫遐荒神兵赴朔方帝思元帥重爰擇股肱  
良累相承安世深籌協子房寄崇專斧鉞禮備設

壇塲鼙鼓喧雷電戈劒凜風霜四驂將戒道十乘  
啓先行聖錫加恒數天文耀寵光出郊開帳飲寅  
餞盛離章雨濯梅林潤風清麥野涼燕山應勒頌  
麟閣佇名揚

饒唐永昌

郎官出宰赴伊瀍征傳駉駉灞水前此時悵望新  
豐道握手相看共黯然